



## Եղիշե Չարենց

### Երեք գույն կա երազային քո երկրում

Երեք գույն կա երազային քո երկրում

Երեք գույն:

Թափանցիկ են այն գույները քո երկրում

Քո հոգում:

Դու ժպտում ես. քո լուսավոր աչքերում

Երեք փայլ.

Ու բացվում է, կապո՛ւյտ աղջիկ, քո հեռուն

Լուսավառ:

Եվ տեսնում են դոյակներդ երկնահույս,

Գմբեթներդ սեզ:

Եվ հիշում են ոսկեծաղիկ մի ասույս,

Որ ընկավ երեկ:

Ու լսում են, որ իրիկվա մշուշում,

Անձրևից հետո,

Իրիկնային զանգակներն են կարկաշում

Ու կանչում են, գոհ:

Եվ տեսնում են, որ դաշտերիդ, լճերիդ,

Լո՛ւյս երկրիդ վրա

Ահա իջել է անապակ ու վճիտ

Մի կապույտ հիմա:

Ու տեսնում են իրիկնային կապույտում

Բռնկված կրկին

Գմբեթներիդ երկնասլաց ու ժպտուն

Խաչերի ոսկին...

Եվ երազի պես պարուրվում է հանկարծ

Երկիրդ իմ հոգում,

Չինջ երկիրդ՝ աչքերիդ մեջ միգամած

Իրիկուն...